


經律異相

卷六

四百四十六

5107c



五  
十  
七  
年  
庚  
子  
月  
初  
七  
日  
藏

17

經律異相卷第六

梁沙門

寶唱等撰



靈

現涅槃後事佛部第三

天人龍分舍利一

阿育作王造八萬四千塔二

阿難問八萬四千塔因三

弗沙蜜多羅王壞塔四

天愛帝須王起塔請舍利及菩提樹五

迦羅越比丘共人起塔獨加供養故

手兩七寶六

須達起髮爪塔七

身去影存仙人從化起髮爪塔八



天起佛牙及缺瓮塔九

幼童聚沙為塔十

獼猴起土石塔十一

天上四塔十二

人中四塔十三

摩訶薩埵餘骨塔十四

佛現菩薩舍利塔十五

梵寤王為迦葉佛起塔十六

治迦葉佛故塔十七

德主王起五百塔十八

踊出寶塔十九

諸佛舍利在金剛塔二十



起塔中悔後生為大魚二十一

天人龍分舍利一

佛涅槃後時波波國諸末羅衆梁言力士遮羅頗

國諸跋離衆羅摩伽國拘利衆毗留提國婆

羅門衆迦衛國釋任衆毗舍離國諸離車衆

摩竭提國阿闍世王胎經六優田王頂生王惡生阿闍世王最兵馬

主容顏兵馬主熾盛各嚴四兵王遣香姓婆

羅門胎經云優波吉白拘尸力士言佛是我

師我之所尊於君國內而取滅度故從遠來

請舍利分還國起塔若分與我者舉國寶重

與君共之力士荅曰世尊屈降此土於茲滅度

國內士民自當供養遠勞諸君不可得也諸

王共議遜言和求既不見與不惜身命當以  
力取力士王曰若欲舉兵力足相扞終不可  
得香姓婆羅門於八衆中高聲唱言佛積善  
修忍於無量劫諸君亦應聞又讚忍辱何可  
興師共相凌奪此非敬事今舍利現在但當  
分作八分使處處人民皆得供養諸君亦皆  
受佛戒口誦法言可爭舍利遂相殘害力士  
報言敬如君議時烟婆羅門即分爲八分時  
釋提桓因即現爲人語諸王言我等諸天亦  
當有分若共爭力則有勝負幸可見與勿足  
相難時阿耨達龍王文隣龍王伊那鉢龍王  
語八王言我等亦應有舍利分若不見與力



足相伏時優波吉告言諸君且止宜共分之  
即分爲三分一分與諸天一分與諸龍王一  
分屬八王以蜜塗瓮裏以瓮量之諸天得分  
還於天上起七寶塔龍王得分還於龍宮亦  
起寶塔阿闍世王共數其分各得八萬四千  
舍利餘有佛口一匙無敢取者以阿闍世王  
初求舍利投地氣乏最爲篤至共持與之阿  
闍世歡喜鼓樂動天難頭和龍王中道相逢  
曰佛留舍利持一分與我王曰不可得也龍  
曰我是難頭和能舉卿國土擲八萬里外磨  
碎如塵王即怖懼以佛髮與之龍於須彌山  
下起水高八萬四千里聳水精琉璃塔阿闍



世王崩阿育得其國土時大臣白阿育王曰  
難頭和龍先易阿闍世奪將佛髑去阿育聞  
之即勅鬼神王作鐵網鐵藉置須彌山水  
中欲縛取龍王龍王大怖共設計言阿育事佛  
伺其熟卧取其宮殿移著須彌山水中水精塔  
下自出相見具說本末其瞋必息便遣龍捧  
取阿育宮殿眠覺不知何處見水精塔高八  
萬四千里喜怖交懷難頭和龍自出辭謝云  
阿闍世王自持與我我不奪也釋迦如來昔  
與我約云吾涅槃後劫將盡時所有經律及  
袈裟應器皆取藏此塔中彌勒來下當復出  
之龍送王宮置於本處烟婆羅門曰請舍利

瓶經云菩薩胎我還頭那羅聚落起於瓶塔力士

與之以瓶及著瓶舍利共起寶塔波羅延那

婆羅門居士復言燒佛處炭與我我還本國

起為炭塔衡國異道士求取地灰還國起塔

力士並然亦有於闐維處起立寶塔灰炭及

土四十九斛所起寶塔四十九所皆置長表

法輪繒幡

出雙卷泥洹十誦律序菩薩處胎經及阿育王經

阿育王造八萬四千塔二

阿育莊嚴四兵往問七塔欲取舍利唯餘龍

將王入宮言此塔我所供養願為留之王即

聽許還國造作八萬四千寶函分布舍利遍

此函中復作八萬四千寶瓶及諸幡蓋將諸



幡蓋付諸夜叉於閻浮提一切地乃至大海  
處起塔先諮耶舍羅漢云欲於一日一念中  
起八萬四千塔令一時俱成耶舍羅漢甚相  
讚美王後與龍校其功德並稱二像而龍重  
王輕王廣請衆僧植功不息後復共稱輕重  
衡平王轉復修習知功德日多興兵往討始

造中路龍王大小莫不奉迎一塔舍利并以

恭獻王後觀佛得道化人之處隨處造塔出阿

育王經第一卷又在王境內有一千二百寺造

出雜譬喻經上卷織金縷幡亦一千二百又千葉金華欲手自

懸散始辦而遇重疾恐乖本心泫然泣下沙  
門謂王曰所修功德不可計數正當開意何



用憂為但自一心我當今王得果所願沙門

即以神力使一千二百寺皆現王前病苦即

滅欲繼諸幡凡諸刹杪伍就王手成就本願

延壽二十五年出迦葉經又又興功德二十

年中臨命終時繼念三寶心心不絕無所悵

惜盡成菩提出雜阿含經

阿難問八萬四千塔因三

阿難白佛先何因分身舍利起八萬四千寶

塔佛言過去有國王名波塞奇領閻浮提八

萬四千國時世有佛名曰弗沙王與臣民供

養於佛及比丘僧時王念言邊陲小國處所

偏僻人民之類無由修福即召畫師圖畫佛

像分布遠國咸得供養時諸畫師看佛相好  
適得一處忘失餘處不能得成時波塞奇王  
調和衆綵自手畫像以爲模楷諸師寫學畫  
八萬四千像分布八萬四千小國王皆得供  
養波塞奇王今我是也緣此功德身有三十  
二相涅槃之後得八萬四千諸塔出賢愚經

第四卷

弗沙蜜多羅王壞八萬四千塔四

阿育王崩諸臣欲立太子以紹王位有一大  
臣名阿菟羅地曰阿育大王誓捨滿十萬億  
金作諸功德少四億太子封藏不與王捨閻  
浮提地以施佛法僧欲以滿足今日大地皆



屬三寶云何便使太子爲王諸臣即辦四億金送寺然後共立如是四世王名弗沙蜜多羅問諸臣曰我當作何等令我名業久存有臣啓王曰先王阿育造八萬四千如來之塔復興種種供養名德相傳無有斷絕王曰先王有大威德能辦此事我不能作更思餘事有一臣曰有二種法名傳不滅一者作善二者作惡先王造塔今王壞塔二俱不朽王乃從之即興四兵往詣寺舍先至鷄雀寺中門前有石師子即作師子吼王聞驚怖還入城中如是再三呼諸比丘問言我壞塔壞房何等爲善比丘荅曰並不應行必不得已寧壞



僧房勿壞塔也王即殺害比丘壞諸塔寺至  
婆伽羅國又復唱言若有得沙門頭者賞之  
千金此國有一羅漢化作多比丘頭傳與百  
姓送往請金王之庫藏金寶竭盡後知羅漢  
倍復瞋忿羅漢入滅盡定王往殺之終不能  
得以滅盡定力不傷其體如是漸進至塔門  
邊牙齒塔神曰有巫行神先求我女我不與  
之今爲護法即呼女與共立誓言卿伏此王  
勿壞正法時巫行神往南方海中排控大山  
推竿王上及四兵衆無不死盡人唱言快哉  
快哉孔雀苗囊於此永盡出雜阿含經第二

天愛帝須王起塔請舍利及菩提樹五

摩西陁等諸比丘受師子國王名天愛帝須  
夏三月四事供養訖辭王曰昔依師目下朝  
夕承事供養禮拜違曠旣久今欲歸去王曰  
依於法師得受歸戒四事供養何等不樂先  
言佛佛已涅槃今言欲還問訊諸比丘曰佛

般涅槃舍利猶在王曰諸大德當欲令我起  
塔爲量度好處安處即到沙彌修摩那所問  
曰當云何得如來舍利沙彌荅曰但淨治道  
路燒香散華王與眷屬俱受八戒出那伽園  
林自當致也王即辦具修摩那還啓其祖具  
宣上事欲起塔廟願賜舍利阿育曰汝可往



忉利天宮白帝釋帝釋有二舍利一者右牙  
留帝釋供養二者右缺盆骨必付汝來開函  
取舍利置於鉢中滿鉢白光猶如真珠授與  
沙彌沙彌復至帝釋宮求右缺盆骨帝釋曰  
善哉開函與之沙彌以祖所與舍利與王王念  
如來舍利我當頂戴在念未竟象即伏地白  
傘自下函即上頂王舉體怡悅如得甘露降  
細微雨大地震動王問大德今當何置荅曰  
下象頭上象發音聲供養舍利天龍鬼神皆  
大歡喜即入城內人民供養從南門出圍遶  
取塔昔三佛舍利亦在此塔園中即斫伐棘  
刺先起塔基與象項等白大德言塔形云何



摩哂陁荅曰猶如穊稻王曰善哉即起小塔  
欲下舍利舉國人民一切皆集舍利於象頂  
上昇虛空高七多羅樹現諸神變五色玄黃  
或時出水或時出火仍取舍利安置塔中天  
地震動大王夫人名阿菟羅求從摩哂陁出  
冢摩哂陁言我不得度女人我妹名僧伽蜜  
多在波吒利弗國王可往迎并菩提樹王遣  
外甥名阿標义摩哂陁以神通力即令下船  
一日便至白阿育王言摩哂陁使我來具陳  
上意王曰我兒摩哂陁孫子修摩那別後憂  
念不歡於心日夜煩惱如斷手足時見此尼  
得釋我心今復去者我必死矣語尼莫去尼

白王言見意難違刹刹夫人見待出家王許  
并菩提樹不可刀斧分目捷連子帝須曰如  
來在世已有五劫一阿育王取菩提與師子  
國不用刀斧南枝自斷入於金盆二上升虛  
空凌雲而住三七日足自下還金盆中布葉  
榮茂錐離結實其葉玄黃四師子國初欲得  
我舍利當作種種神變五若所有相好到師子  
國如我在世王聞歡喜因立誓曰若許取枝  
者令樹悉現一切面枝若許往師子國者願  
自落金盆樹復如本即以香泥滿金盆中以  
八月十五日晡時筆畫樹枝曲處凡作十盡  
前於盡生根後一盡便斷根長四寸又生細



根交橫抽杈猶如羅網大枝長十肘復有五  
枝各長四肘五枝各生一子復有千小枝王  
見神變心大歡喜向樹大叫衆僧唱薩小王  
及部從一切大衆皆悉大叫地神驚怪亦復  
大叫聲徹虛空如是展轉至于梵天樹枝從  
本改處即有百根直下盆底十根穿盆下九  
十細根圍繞而生如是次第日夜增長時地  
六種震動空中諸天作衆伎樂諸山樹木如  
人舞狀天人拍掌夜叉熙笑阿修羅王歌頌  
讚詠梵王欣悅於虛空中雷電霹靂四足衆  
生馳走鳴喚諸鳥飛翔出種種音菩提樹子  
出六色光光明遍照滿於娑婆上至梵天時

菩提樹上昇虛空停住七日竟大衆唯見光明不見盆樹王即從座而下供養菩提樹經歷七日樹復放光照娑婆世界上至梵天攝光還復虛空皆清布葉結實從虛空下還入金盆王見歡喜復更以閻浮利地供養小菩提樹滿於七日王拜菩提樹七日爲閻浮利地王九月十五日衆僧布薩菩提樹從本生處來到波吒利弗國城東住娑羅樹下枝條鬱茂王見歡喜又拜爲閻浮利地王白僧伽蜜多言時可去矣荅言善哉大王即與八部鬼神護菩提樹八種大臣八種婆羅門八種居士八具波伽人八鹿羅車人八迦陵伽人



王與八金盆八銀甕輦水灌菩提樹受王教  
已依事而作王與大衆遶菩提樹送於路上  
天人夜叉輒闍婆阿修羅日夜供養到多摩  
標諸王自擔菩提樹入水齊頸即上船上與  
僧伽蜜多王喚阿標叉阿標叉菩提樹在我國  
我以閻浮利三拜爲王我自戴菩提樹入水  
至頸送置船上勅阿標叉菩提樹往到彼國  
汝可語汝王身自下水水沒至頸迎菩提樹  
頂戴擔上如我於此種種供養作是勅已船  
即發去是時海中當船任處縱廣一由旬無  
有波浪王自念言佛菩提樹今從我國去作  
是念時流淚悲噎船去之後王遙望見種種

華從海水出隨從船後以供養之又虛空中  
散種種華伎樂供養水神又以種種華香供  
養如是展轉乃徹龍王宮龍王即出欲奪取  
菩提樹於是僧伽蜜多比丘尼化作金翅鳥  
王龍王頂禮白言今我欲請菩提樹及大德  
還我宮中七日供養於是菩提樹及大衆悉  
入龍宮龍王以王位拜樹爲王七日供養過  
七日已龍王自送菩提樹到閻浮俱那衛渚  
阿育王遙望不復見菩提樹啼哭而還是時  
天愛帝王須平治道路從城到俱那渚地平  
如掌僧伽蜜多以神通力令王於宮城內遙  
見菩提樹來王出渚迎閻浮俱那衛入水齊



頸樹放六色光王見歡喜即以頂戴上岸國  
有耆舊十六大姓與王共迎菩提樹樹到岸  
上三日以師子洲供養菩提樹十六大姓知  
王國事三日竟至四日擔菩提樹次第到阿  
菟羅陁國舉國人民歡喜禮拜供養十月十  
四日過中菩提樹從北城門入城中央而復  
更從城南門出從城南門去五百弓此處過  
去諸佛亦皆入於三昧俱那衛佛菩提樹名  
摩訶沙利婆拘那含佛菩提樹名憂曇鉢迦  
葉佛菩提樹名尼俱陁於伽彌國中沙彌修  
摩那令作基址都圍度量布置門屋及菩提  
樹所止之處皆令方整置在門屋處是時十

六大姓悉公服圍遶種王門屋地始放於樹  
樹昇虛空高八十肘即出六色光照師子國  
皆悉周遍上至梵天衆見樹變心大歡喜衆  
中萬人同時念佛次第出家得羅漢道日光  
未沒樹猶在虛空日沒之後婁婁皆下至地  
大震動時摩晒陁與僧伽蜜多王及國人集  
菩提樹下北枝一子而熟從枝墮落以奉摩  
晒陁摩晒陁以核與王令栽王即受於金盆  
中以肥土壅又以塗香覆上須臾之間即生  
八株各長四肘王見驚歎以白傘覆上拜小  
樹爲王王取一株種於閻浮俱那衛渚又取  
一株薄拘羅婆門村中種又取一株種牧門



中又取一株種塔園中又取一株種摩醯首  
羅寺又取一株種支帝耶山中央又取一株  
種樓醯那村又取一株種佳羅村餘四子在  
樹上次第熟落合生三十二株悉取於由旬園  
種如是轉增滿師子國以菩提樹故國土安  
隱無有災苦時阿菟羅夫人與千女俱往僧

伽蜜多所爲比丘尼從度之後次第得阿羅  
漢王外甥阿標叉與五百人出家次第得阿羅  
漢又一日王與摩哂陁往禮菩提樹到鐵殿處  
人民獻華於王王以華奉摩哂陁法師以供  
養鐵殿華墮地動王問大德地何忽動荅言  
大王當來此殿衆僧說戒是故地現此瑞也

次第而去到菴羅處有人以菴羅子香味具  
足獻王王以奉摩晒陀摩晒陀敢核語王言  
可種此核王即種之以水灑地地皆震動王  
問何故地動荅言當來世衆僧方集處故現  
瑞相也王即散華作禮而去到支帝耶處有  
人以瞻蔔華獻王王以奉摩晒陀地動王問  
何以地動荅言當來此處起佛大塔故現此  
瑞王言我今當立塔摩晒陀荅言不須王立  
王多諸造作當來世有王孫子名木叔伽摩  
尼阿婆耶當起大塔王問是我孫耶獲其福  
不荅不得王取一石柱高二丈而尅石柱記  
我孫名木叔伽摩尼阿婆耶當來此中起大



塔出善見律毗婆沙第三卷

迦羅越比丘共人起塔獨加供養故手雨七寶六  
昔阿育王國有迦羅越供養二萬比丘長請  
一年名聞國王王召見之聞卿家太富盡有  
何物耶對曰實無所有王不信之留迦羅越  
遣看其家見門有七重舍宅堂宇皆以七寶  
有勝王宮婦女亦勝但無穀帛錢物還以白  
玉王意漸解迦羅越笑王問何所笑耶答曰  
王不見信耳迦羅越以手指東空中便雨七  
寶指南亦雨寶不可限量王便遣還而衆僧精  
舍去宮不遠王便嚴駕詣精舍見比丘僧作  
禮恭肅問上座道人迦羅越宿有何福自然

珍寶念之便至上座比丘入三昧見四百由  
旬人物心念見長者子昔惟衛佛時有四人  
共立塔寺中有一人用意殷勤塔寺成後以  
金銀七寶及衆好華共合和之上三重塔上  
以雨散四面願後食福恒不斷絕今得自然  
寶者是此一人王聞大修功德出譬喻經第

一卷

須達起髮爪塔七

佛久遊諸國長者須達思戀渴仰白佛言願  
留少物常得供養佛與髮爪願聽起塔佛乃  
許之於舍衛國造作樂拱彩畫莊嚴出十誦  
律善誦第一卷



身去影存仙人從化起髮爪塔八

佛至月氏國西降女羅刹時宿石窟中于今  
佛影猶在有人就內看之則不能見出孔則  
見光相如佛有時飛到尉賓國隸跋陀仙人  
山上住虛空中降此仙人仙人言我樂住此  
願佛與我髮爪起塔供養塔今現在山下有  
離越寺離越云隸跋陀出大智論第十二卷  
天起牙及缺盆塔九

佛右牙右缺盆骨在忉利天天師子洲起塔  
請得二缺盆及牙今在釋宮出善見毗婆沙

第二卷

幼童聚沙爲塔十

佛遊波羅捺時五百幼童相結爲伴俱共行  
戲於江水邊聚沙爲塔各自說言吾塔甚好  
卿毀吾作其五百童雖有善心宿命福薄天  
大暴雨江水卒漲五百幼童俱時溺死父母  
號哭求索尸喪莫知所在佛言宿命不請勿  
生怨恨此諸兒等宿命應尔今生兜率天佛

放光明令此父母遠見其子尋時皆來散華  
供養佛言善哉因造沙塔即得生天見彌勒  
佛五百天子各啓父母勿復憂愁但努力精  
進遶佛三匝作禮飛去出五百幼童經又出

生經第四卷

獼猴起土石塔十一



佛在羅閱祇國遣一羅漢名曰須曼持佛髮  
爪往罽賓南山中作一浮屠寺有五百羅漢  
常止其中旦夕燒香遶塔禮拜五百獼猴見  
道人供養入深澗邊負輦泥石起立佛塔豎  
木爲刹繫以弊幡旦夕禮拜暴水汎漾一時  
漂死生忉利天即以天眼自見本末各持華  
香伎樂臨故尸上遶之七匝諸天遙見散華  
奏樂遶獼猴尸有五百婆羅門外學邪見問  
天曰何爲屈意供養於此荅曰是吾故身昔  
在世間數諸沙門戲立塔寺藉此生天今報  
之恩卿等邪見百劫勤苦無所一得不如共  
往耆闍崛山禮拜供事其福無限時婆羅門

即皆欣然共至佛所五體投地散華供養

句譬喻經  
第一卷

天上四塔十二

忉利天城東照明園中有佛髮塔城南鹿遊

園中有佛爪塔城西歡喜園中有佛鉢塔城

北駕御園中有佛牙塔出集經抄大智論云  
帝釋取菩薩髮城東

門外立塔又持寶  
衣亦於城東立塔

人中四塔十三

迦維羅衛國謂天地之中立生處塔摩竭提

國善勝道場元吉樹下起成道塔波羅捺國

仙人住處鹿野苑中立轉法輪塔拘尸那國

力士生地秀林雙樹間起般涅槃塔出集經抄



摩訶薩埵垂餘骨起塔十四

過去王子名摩訶薩埵出遊林野見虎新產  
七子多日飢餓命將欲絕即脫衣裳以竹刺  
頸從高投下卧於虎前虎舐其血漸就食盡  
大王及宮內聽子不還即遣人追求使還具  
說王勅收其舍利起七寶塔出金光明第四卷

佛現菩薩時舍利塔十五

有七寶塔從地踊出佛從座起為塔作禮時  
道場菩提樹神問曰如來最勝最尊何緣而  
禮此塔佛答曰昔行菩薩道時有全身舍利  
在此塔中因是身早成佛道使阿難開塔取  
舍利示此大衆阿難啓塔開七寶函舍利紅

白佛言是戒定慧之所勲修甚難可得最上  
福田大衆歡喜恭敬頂禮出金光明經第四卷

梵寤王爲迦葉佛起塔十六

過去世時有梵寤王迦葉如來般涅槃後是  
王即以金銀爲塔縱廣半由旬高一由旬累金  
銀爲塹今猶在地中尔時如來即出此塔示諸  
四衆迦葉全身舍利儼然如本出弥沙塞律

第三十卷

治迦葉佛故塔十七

迦葉佛泥洹闍維之後以佛舍利起七寶塔  
興敬供養經歷數世塔自彫壞無補治者有  
義合邑九萬三千人時瓶沙王爲上首告衆



人曰汝等各自勸勵共造福德佛世難遇人身難得雖得爲人或墮邊地生邪見舍我等何爲貪此俗樂不如開意治朽塔寺即共修理復共發願設有福者不墮三塗及八難處共生人天見釋迦文初會說法皆得度脫以王爲首時人命終生忉利天經歷數世釋迦

出興時九萬三千人生摩竭國瓶沙作王出

曜經第九卷

德主王起五百塔十八

過去世時有轉輪王名曰德主嘗於一日起

五百塔高五百由旬出大智論第五十七卷

踊出寶塔十九

尔時佛前有七寶塔高五百由旬縱廣二百  
五十由旬從地踊出住在空中種種寶物而  
莊校之五千欄楯龕室千萬無數幢幡以爲  
嚴飾垂寶瓔珞寶鈴萬億而懸其上四面皆  
出多摩羅跋栴檀之香充遍世界其諸幡蓋  
以金銀琉璃車渠瑪瑙眞珠玫瑰七寶合成  
高至四天王宮三十三天雨天曼陀羅華供  
養寶塔下至八部以一切華香幡蓋伎樂供  
養寶塔尔時塔中出大音聲嘆言善哉釋迦  
牟尼佛以平等慧教菩薩法四衆聞塔所出  
音聲皆得法喜怪未曾有此寶塔中有如來  
全身過去東方無量千萬阿僧祇世界國名



寶淨佛号多寶其佛行菩薩道時作大誓願  
若我成佛滅度之後於十方國土有說法華  
經處我之塔廟爲聽經故踊現其前以作證  
明若有說法華全身舍利在於塔中讚言善  
哉大樂說菩薩白佛言世尊我等願欲見此  
佛身佛言多寶佛有深重願若我寶塔爲聽  
法華經故出於諸佛前時欲以我身示四衆  
者彼佛分身諸佛在於十方盡還一處然後  
我身乃出現耳大樂說言我等亦願欲見世  
尊分身諸佛佛放白毫一光東西南北四維  
上下諸佛各告衆菩薩言善男子我今應往  
娑婆世界釋迦牟尼佛所并供養多寶如來

寶塔時娑婆世界即變清淨琉璃爲地寶樹  
莊嚴黃金爲繩以界八道無諸聚落村營城  
邑大海江河山川林藪燒大寶香移諸天人  
置於他土是時諸佛各將一大菩薩以爲侍  
者至娑婆世界各到寶樹下樹下皆有師子  
之座高五百由旬十方諸佛皆悉來集坐於  
八方諸佛欲同開寶塔即從座起任虛空中  
一切四衆起立合掌一心觀佛於是釋迦牟  
尼佛以右指開七寶塔戶出大音聲如却關  
籥一切衆會皆見多寶如來於寶塔中坐師  
子座全身不散如入禪定又聞其言善哉善  
哉釋迦牟尼佛快說是法華經我爲聽是經



故而來至此。今時四眾等見過去無量千萬億劫滅度之佛，說如是言：歎未曾有！以天寶華聚散多寶佛及釋迦牟尼佛。上今時多寶佛於寶塔中分半座與釋迦牟尼佛坐時，釋迦牟尼佛坐其半座，以神通力接諸大眾皆

在虛空

出法華經  
第四卷

諸佛舍利在金剛塔二十

佛告大眾：自念古昔所行功德，捨身受身，非一非二。我今說之一身形法：此大地種厚八十四萬億里，乃有風厚八十四萬億里，風下有水厚八十四萬億里，水下有火厚八十四萬億里，火下有沙厚八十四萬億里，沙下有

金剛厚八十四萬億里諸佛全身舍利及碎  
身舍利皆在金剛際刹中金剛刹復厚八十  
四萬億里名曰妙香佛名不住十号具足現  
在說法

出菩薩處胎  
經第二卷

起塔中悔後生爲大魚二十一

昔有沙門其家大富造作塔寺以栴檀爲柱  
七寶爲刹未成之頃有五百沙門從遠方來  
而其國內有五百賢者各各給與袈裟被服  
國人謂寺主遠人當去我先發遣阿闍梨常  
任自當作分寺主沙門念言我之功德積若  
須彌不可稱計而國人不能佐助我我但爲  
一切人賤近貴遠便以火燒寺塔後入地獄



畜生各九十劫後作大魚身在海中長四十  
萬里眼如日月牙長二萬里正白似雪山舌  
廣四萬里正赤似火山口廣五萬里時有五  
百人入海採寶正是先身給五百沙門衣者  
因緣宿對魚張口飲水時舫從流甚疾皆大  
恐怖同稱南無佛魚聞其音合口而聽水住  
不流聞船上有諷經之聲魚便淚出自念不  
聞此音其來甚久因不復食經歷七日命終  
海中浮尸著岸神生法家墮地能語便識宿  
命年滿八歲得羅漢道還詣海邊見其故身  
積骨如山觀髑髏內七日不遍坐燒塔寺百

八十劫在惡道中

出警諭經  
第四卷

造佛形像第二

優填王造牛頭栴檀像一

優填王造金像二

波斯匿王造金像三

波斯匿王造牛頭栴檀像四

善容王造石像五

龍王石窟佛影六

優填王造牛頭栴檀像一

四部情諮聽法釋提桓因請佛昇三十三天  
為母說法三月夏安居如來欲生人渴仰不  
將侍者不言而去時舍衛國波斯匿王及拘  
翼國優填王至阿難所問佛在何所阿難荅



曰我亦不知二王思觀如來遂生身疾優填  
王即勅國內諸巧師匠以牛頭栴檀作如來  
像舉高五尺出增一阿含第十九卷優填王問佛曰如來  
滅後欲作佛像恭敬承事當得何福佛言若  
作佛形像者世世生處身體完好後死得生  
第七梵天復生上勝諸天端正無比常生豪  
貴家氣力超絕衆人愛敬財富無量或生閻  
浮帝王公侯賢善家或生轉輪王飛行天地  
或生孝從道德之門死不入三塗出作像因

緣經

優填王造金像二

佛昇忉利天優填王不勝戀慕鑄金爲像聞

佛當下以象載之仰候世尊猶如生佛乃遙  
見佛足步虛空蹈雙蓮華放大光明佛語像  
言汝於來世大作佛事我滅度後我諸弟子  
付囑於汝若有衆生造立形像種種供養是  
人來世必得念佛清淨三昧佛告阿難持我  
語遍告弟子我滅度後造佛形像相好具足  
亦作無量化佛及畫佛跡妙系及頗梨珠安  
白毫處令人見之心生歡喜能滅百億那由  
他恒河沙劫生死之罪

出觀佛三昧  
經第六卷

波斯匿王造金像三

時波斯匿王聞優填王作如來像而供養之  
復召工巧以紫磨金鑄如來像高於五尺時



閻浮提內始有二像

出增一阿舍  
第十九卷

波斯匿王造牛頭栴檀像四

佛上忉利天爲母說法經九十日波斯匿王  
思欲見佛刻牛頭栴檀作如來像置佛坐處  
佛後還入精舍像出迎佛佛言還坐曰吾般  
泥洹後可爲四部衆作法式像即還坐此像

最是衆像之始後人所法者也佛乃移住兩  
邊精舍與像異處相去二十步祇洹精舍本  
有七層諸國競興供養不絕鼠銜燈炷燒幡  
蓋遂及精舍七重都盡諸國王人民皆大悲  
惱謂栴檀像已燒却後四五日開東邊小精  
舍戶忽見本像衆大歡喜共治精舍得作兩

重移像本處

出外國  
畫記

善容王造石像五

善容王

又名韋馱首祇  
阿育王弟也

入山遊獵見諸梵志

裸形曝露或食木葉或吸風服氣或卧棘刺  
中種種自苦以求神仙善容問曰那無成辦  
梵志荅曰坐有羣鹿數共合會我見心動不  
能自制王曰服食羸瘠猶有媿欲釋子沙門  
飲食甘美在好床座衣服隨時香華自熏豈  
得無耶阿育聞之即懷憂感吾唯一弟忽生  
邪見恐永迷沒正當除惡勅給妓女共相歡  
娛王躬語弟何爲取兄妓妾恣意自樂即欲  
煞之大臣諫曰王唯有一弟又少息胤願聽



七日奉依王命王始默然語諸臣曰聽弟著  
吾衣冠入吾宮裏伎樂自娛至七日王遣使  
問云意志自由快樂不乎善容曰不見不聞  
有何快樂王曰觸事如我復云不聞不見耶  
弟曰應死之人命盡未絕與死無異當有何  
情著於五欲王曰汝今一身憂慮百端一身  
應滅在欲不樂道說沙門憂念三世一身死  
壞復受一身億百千世身身受苦無量患惱  
雖出爲人與他走使衣食窮乏念此辛酸故  
出家爲道求無爲度世之要設不精勤當更  
歷劫數之苦善容乃心開意解白王曰今聞  
王教乃得醒悟生老病死實可厭患愁憂苦

惱流轉無窮惟願大王見聽為道王曰宜知

是時弟即出家奉持禁戒晝夜精勤得羅漢

道出求離  
牢獄經

阿育王傳云阿育王聞弟得道深心歡喜稽

首禮敬請長供養弟誓依林野以養餘命阿

育即使鬼神於城內造山高數十丈斷外人

物絕於來往乃應王命率捨衣資造石像一

軀高丈六即山為龕室

佛影六

有龍王請佛常住其所若不任者我發惡心

無由得道諸梵天王復殷勤勸請願為一切

衆生莫獨住此龍以七寶殿奉上如來佛言



不須但以羅刹石窟施我佛攝神足獨入石  
室自敷坐具跏趺而坐時羅刹女及龍爲四  
大弟子及阿難又造五石室佛受那先訶城  
王及諸國請處處見佛虛空華座滿中化佛  
龍王歡喜發大誓願願我來世得佛如此佛  
受王請七日攝於神足從石窟出與諸比丘  
遊履諸處龍所隨從後佛還國帝哭兩淚白  
言願勿捨我世尊安慰云當坐汝窟中千五  
百歲時諸龍王合掌請佛入窟佛坐窟中作  
十八變踊身入石猶如明鏡在於石內影現  
於外遠望則見近視則無諸天百千供養佛  
影影亦說法石窟高一丈八尺深二十四步

石色清白

出觀佛三昧經第六卷

法滅盡三

佛言我以正法付囑人天者我法千歲不動  
告帝釋四王我涅槃後各於方土護持正法  
過千載後惡風暴雨多諸災患人民飢饉觸  
物磨滅飲食失味珍寶沉沒西方有王名鉢

羅婆北方有王名耶婆那南方有王名釋迦  
東方有王名兜沙羅此四王皆多眷屬煞害  
比丘破壞塔寺四方盡亂時諸比丘來集中  
國拘睒彌國王名摩因陀羅西那生子手似  
血塗身似甲冑有大勇力有五百大臣同日  
生子皆血手冑身時拘睒彌國一日雨血王



見惡相即大恐怖請問相師相師荅曰王今生子當王閻浮提多殺害人爲名難當年漸長大時四惡王從四方來王大憂怖有天神告曰大王且立難當爲王足能降伏四大惡王便依神言捨位與子以髻中明珠冠其子首集五百大臣香水灌頂令徃征伐諸臣之子身被甲冑從王征討與四惡王戰煞之都盡王閻浮提治拘睨彌鞞國佛告四大天王邑巴連弗國當有婆羅門名曰阿耆尼達多通達比陁經論此婆羅門當納妻其妻有身便欲與人論議以問相師相師荅曰是胎中兒當了達一切經論生子明了一切經論及

諸醫方教授五百弟子於我法中出家學道  
得達三歲善能說法辯才巧妙攝多眷屬此  
巴連弗邑當有大商主名曰須陀那其妻有  
身便質直柔和諸根寂靜時彼商主即問相  
師荅曰胎中兒極爲良善月滿生子名曰修  
羅陀年紀漸長於我法中出家學道勲行精  
進證羅漢果然其寡聞少欲知足及少知舊  
屠在犍陀摩羅山恒爲難當王說法難當見  
父王過世兩手抱父尸悲號啼哭憂惱傷心  
時彼三歲爲王說法王憂惱即止於佛法中  
生大敬信而發聲唱言自今以後我施諸比  
丘無恐畏適意爲樂而問比丘前四惡王毀



滅佛法更幾年歲諸比丘荅云經十二年王  
心念言作師子吼我當十二年中供養五衆  
種種豐足供施之日天當降香澤之雨遍閻  
浮提一切苗稼皆得增長諸方人衆皆持供  
養來詣拘睒彌國供養衆僧時諸比丘不懃  
三業戲論過日貪著利養好自嚴飾身著妙  
服離出家法形類比丘而是法中大賊壞正  
法幢建惡魔幡滅正法炬然煩惱火消正法  
海壞正法山沒正法船拔正法樹時天龍鬼  
神等於諸比丘皆生惡意厭惡遠離不復衛  
護而同聲唱言却後七日佛法滅盡號咷悲  
泣共相謂言至說戒日比丘鬪諍如來正法

於此而滅諸優婆塞聞諸天言共詣衆中諫  
諸比丘鬪諍至十五日說戒時犍阇摩羅山  
阿羅漢修羅阇觀閻浮提今日何處有衆僧  
欲往說戒即詣拘睒彌時彼僧衆乃有百千  
人唯有此阿羅漢修羅阇來又復有一三藏  
名曰弟子此是如來最後大衆聚集今時維  
那行舍羅等白三藏言衆僧已集今爲說波  
羅提木叉時彼上座荅言閻浮提如來弟子  
皆來集此數有百千如是衆中我爲上首了  
達三藏尚不學戒律況復餘者而有所學今  
當爲誰而說戒律時阿羅漢修羅阇立上座  
前合掌白上座但說波羅提木叉如佛在時



舍利弗目犍連等大比丘衆所學法我今已  
悉學如來雖滅已出千歲彼所制律儀我悉  
已備上座弟子聞修羅陀比丘自言如來所  
制戒律我悉備持起不忍心有一弟子名曰  
安伽陀極生忿恨從座起罵辱彼聖汝是下  
座比丘愚癡無智而毀辱我師即持利刀煞  
彼聖人時有一鬼名曰大提木佉作是念言  
世間唯有此羅漢而爲惡比丘弟子所害執  
持金剛杵打頭命終時阿羅漢弟子見煞其  
師忿恨不忍即煞三歲時諸天世人悲哀啼  
泣嗚呼苦哉如來正法今便都盡即此大地  
六種震動無量衆生號吼啼泣各各離散時

拘睽彌王聞諸比丘煞阿羅漢及三藏法師  
心生惋惱諸邪見輩競破塔廟及害比丘從  
是佛法索然頓滅出雜阿含佛告阿難我泥洹後  
法欲滅時五濁惡世魔道興盛諸魔沙門壞  
亂吾道著俗衣裳飾好袈裟五色之服飲酒  
芻肉熟食貪味無有慈心更相憎嫉時有菩  
薩精進修德一切愛敬人所宗尚教化平等  
怜貧念老救育窮厄恒以經像令人奉事作  
諸功德志性溫善不侵害人損身濟物不自  
惜己忍辱仁和設有是人衆魔比丘咸共嫉  
之誹謗揚惡擯黜駁遣不令得住自共於後  
不修道德寺廟空荒不復修理轉就毀壞但



貪財物積聚不散不作福德販賣奴婢耕田  
種殖焚燒山林傷害衆生無有慈心奴爲比  
丘婢爲比丘尼無有道德姪姝濁亂男女不  
別令道薄淡皆由斯輩或避縣官依倚吾道  
求作比丘不修戒律月半月盡假名說戒厭  
倦懈怠不欲聽聞抄略前後不肯盡說經不  
誦讀設有讀者不識字句爲強言是不咨明  
者貢高求名噓天推步以爲榮貴望人供養  
諸魔比丘命終之後精神當墮無擇地獄五  
逆罪中餓鬼畜生靡不更歷過恒沙劫罪竟  
乃出生在邊國無三寶處法欲滅時女人精  
勤恒作功德男子懈慢不用法語眼見沙門

如視糞土無有信心法輪殞沒諸天泣淚水  
旱不調五穀不熟災疫流行死亡者衆人民  
勤苦縣官侵尅不修道理皆思樂亂惡人轉  
多善者甚少日月轉促人命轉短四十頭白  
裁壽六十男子壽短女人命長七八九十或  
至百歲大水忽起卒至無期世人不信故謂  
有常衆生雜類無有豪賤沒溺浮漂魚鱉噉  
食菩薩比丘衆魔駭逐不預衆會菩薩入山  
福德之處惓怕自守以爲忻快壽命延長諸  
天衛護月光出世得相遭值共興吾道五十  
二歲首楞嚴經般舟三昧先滅化去十二部  
經尋復化滅盡不復現不依文字沙門袈裟



自然變白聖王去後吾法滅盡譬如油燈臨  
欲滅時光更猛盛於是便滅吾法盡時亦如  
燈滅自此之後難可網紀如是久後彌勒當  
下世間作佛天下太平毒氣消除雨潤和適  
五穀滋茂樹木長大人身長八丈皆壽八萬  
四千歲衆生得度不可稱計

出法滅盡  
經卷中

# 經律異相卷第六

靈

盆

字盆薩埵

下丁

相

下音

毘

則斯

貫

世音

衡國

上

戶反

泫然

上玄

刹

下美

偏僻

下正

摸

上

莫

胡

反下

阿

下奴

排

下他

推

上土

回

反

反

苗

下羊

摩

下式

違

下苦

量

下徒

好

各反

撤反田列渚反之呂基址下音婁音彗上音樓下核

處安處呂尺反怡怡反余之蔴刺下上七賜反外甥

生下音抽杖加下楚反肘反知柳反歌唄敗下音銀甕貢下於反

肥土非上房反壅反紆用反瞻蔔北下蒲反木杖下音

穀穀下音穀正谷欒下上郎恭擁反月氏支下音剽賓居上

反例疑跋下上帝反斲反胡教汎漾下上音芳梵反藉

此上夜才反媯下媯下夷反塹反龕上室上苦反玫瑰音上

回反苦反關下籥下上音關下舟雙音兒官二同惠妙

系下音係曝露木上蒲反羸下燮下息下胤下羊

拘下睽下夫反甲下胄下直反冠上貫上號下吡下音音毫

惋惱貫上烏反角下穴上之液反擯黜下必反律反依

倚下倚下噓虛音歺沒典上徒反



